


Ibuku rĩa Ngai kũrĩ ciana
nĩrĩrakũrehera

Thabaarĩ cia
Magegania cia
Paulũ



Rwandĩkĩtwo nĩ: Edward Hughes

Rũthathaũrĩtwo nĩ: Janie Forest
Alastair Paterson

Rũharĩrĩirio nĩ: Ruth Klassen

Rũtaũrĩtwo nĩ: Stephen Kimani

Rũtungĩtwo nĩ: Bible for Children
www.M1914.org


©2022 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.




Paulũ na Sila, ndungata cia
Jesũ, maarĩ njeera. Aca,
hatirĩ ũndũ mũũru mekĩĩte-
no ndaimono maingatĩite
kuuma kũrĩ mĩtumia.


Makĩonia andũ aya
mahooyaga mĩhianano
a Filipi hinya wa
Ngai wa ma
na Mũrũ
wake Jesũ.
Makĩnyiitwo,
makĩhũũrwo na
makĩhingĩrwo
nĩũndũ wa ũguo.



Nowĩcirie atĩ Paulũ na
Sila nĩmarakarire na
magĩkorwo na marũrũ.
No gũtiathire ũguo.
Ũtukũ magĩũkĩra
makĩinaga nyĩmbo cia
kũgooca Ngai! Oohwo
othe na arangĩri
makĩmaigua.



O rĩmwe ũini ũkĩrũũgama. Ngai agĩtũma
GĨTHINGITHIA gĩgĩthingithia njeera. Mĩrango
yothē ĩkĩhinguka. Mĩnyororo yao yothē ĩkĩohoka.







Haiya! Haiya!
Mũrangĩri
nĩamenya oohwo
othe nĩmoorĩite.
Ona okorwo no
ũmwe woorire,
mũrangĩri
angĩaherithirio na
gĩkuũ. Ũndũ wa
kĩeha mũrangĩri
akĩruta rūhiũ
rwake. O na no
eyuurage ũhoru
ũcio ũthire.



No Paulũ agĩĩtana,
“Ndũkeegere ngero,
tondu ithuĩ othe tũrĩ
haaha.” Rĩrĩa mũrangĩri
oonire ũguo akiuga,
“Athuuri aya, njagĩrĩrwo
gwĩka atĩa nĩguo honoke?”
Makĩmwĩra, “ĩtĩkia
Mwathani Jesu Kristũ,
naawe nĩũkũhonoka, we
hamwe na andũ a mũcĩĩ
waku.” Arĩ na gĩkeno,
mũrangĩri agĩĩtĩkĩa.





Marekio mūthenya
ũcio ũngĩ, Paulũ na Sila
magĩceerera matũũra
mangĩ maingĩ, makĩĩraga
andũ ũhoro wa Jesu.
Andũ amwe magĩĩtĩkia,
angĩ makĩgeria kũmahũũra.
No Ngai aarĩ na ndungata
ciake. Ũtukũ ũmwe, Paulũ
akĩhunja mathaa maingĩ.
Mwanake ũmwe waikaire
hakuĩ na ndirica yaarĩ
hingure akĩnyitwo
nĩ toro. No wĩcirie
ũrĩa gwathiire.




Andũ othe
nĩmamenyaga
mwanake ũcio aarĩ
mũkuũ. No Paulũ
agĩikũrũka na
akĩmũhimbĩria
akiugaga, "E muoyo."
Magĩcookia mwanake
ũcio nyũmba arĩ
muoyo, na magĩkena
mũno.



Paulũ na Sila nĩmagereire maũndũ maingĩ magĩceera
kũu Rũraaya. Ûndũ ũmwe mũnene wahanĩkĩire Paulũ
rĩrĩa aarĩ meeriinĩ. Ici ti meeri iria nene cia cuuma,
no nĩ tũtarũ, twahurutagwo
rĩrĩa kwagĩa na
ihuhũkanio.






Paulũ aarĩ meeriinĩ ãyo nĩtondu nĩ anyitĩitwo
rĩngĩ. Rĩu athiaga kũrĩ mũthamaki kũu Roma, ũrĩa
waarĩ mũcĩĩ mũnene wa thĩ. Makũmbĩ magĩthĩĩnĩa
meeri ãyo. Gũkĩoneka ta rĩera rĩũru rĩarĩ mbere yao.
Yaarĩ thabaarĩ nditũ kũrĩ Paulũ hamwe na oohwo
acio angĩ, hamwe na atwarithia a meeri.



Paulũ akĩmakaania, "Athuuri, ndĩroona ta
thabaarĩ ñno ãtakũrĩĩka wega." Mũnene
wa meeri ndathikĩrĩirie. Magĩthĩ
rũgendo iriainĩ. Rĩrĩa rūhuuho
rũnene ruokire, makĩoha meeri
na mĩkwa mĩnene nĩguo
ndĩkaharagane.
Meeri ãyo
ĩngĩaharaganire
gĩĩkĩ kĩngĩarĩ gĩkuũ
kĩa maaĩnĩ kũrĩ
andũ othe.



Meeri ĩkĩhũũrwo nĩ makũmbĩ nginya mũnene wa meeri
agĩatha andũ othe mateithie kũmĩhũthia. Mũthenya
wa gatatũ magĩikia indo cia mbaara cia meeri
maaĩnĩ, nogũkorwo
nĩmagũteithĩka.



Ūtukū mūraika akĩrũgama harĩ Paulũ akĩmwĩra
maũndũ nĩmakũagĩra. Andũ acio angĩ makĩgĩa na
hinya rĩrĩa Paulũ ameerire, "Gĩai na
hinya, arũme, tondu nĩnjĩtĩkĩĩtie atĩ
nĩgũkũhaana ũrĩa Ngai anjĩrĩite.

No nonginya
tũrũgame twakinya
gacigĩrĩrainĩ."



Thuutha wa thikũ niini, gatarũ gakĩhuruutwo nginya
gicigĩrĩra kĩa Malita. Gakĩgũtha mahiga maaĩnĩ
mataarĩ mariku na gatarũ gakĩharagana. Mũnene
agĩatha arĩa mooĩ gũtubĩra marũũge
maaĩnĩ mathĩ thĩ nyũmũ. Acio angĩ
o nao makĩhonoka, amwe mbaũinĩ
na arĩa angĩ icunjĩinĩ cia meeri.




Kũu Malita Ngai akĩonania
hinya wake. Rĩrĩa meethaga
ngũ nyoka ikĩrũma Paulũ. Andũ
magĩĩciria atĩ nĩagũkua. No
ndakuire nĩũndũ wa kũrũmwo.
Andũ magĩĩciria atĩ Paulũ aarĩ
ngai. Andũ aingĩ arwaru
magĩũka, nake Ngai
akĩmahonia
mahoerwo nĩ
Paulũ.




Mũthĩainĩ Paulũ agĩkinya Roma. Ciira wake
waikarire mĩaka ĩĩĩ ũtanathikĩĩĩrio. Hĩndĩ ĩyo
Paulũ akomboreete nyũmba na nĩaceragĩrwo nĩ ageni.
Nĩũramenya ũrĩa Paulũ eeraga ageni? Ũthamaki wa

Ngai! Mwathani Jesu
Kristũ! Paulũ aarĩ
ndungata ya Ngai
kũu Roma, o ta
thabaarĩĩnĩ ingĩ
ciake ciothe.



Paulũ akĩandĩka arĩ Roma, "Nĩndũĩte mbaara njega,
narĩo ihenya rĩakwa rĩgakinya mũthia, nĩmenyereire
wĩtĩkio." Bibilia ndiugaga ũrĩa mũtũũrĩre wake
wathirire, no rekodi ingĩ ciugaga atĩ Paulũ atinirio
mũtwe arĩ Roma nĩũndũ wa watho wa mũthamaki
Nero. Paulũ akuire
o ũrĩa atũrĩite-
ndungata
njehokeku
ya Ngai,
ĩkĩĩra andũ
ũhoru wa
Jesu Kristũ.



Thabaarĩ cia Magegania cia Paulũ

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Atũmwo 16, 27, 28

"Ciugo Ciaku ciatarĩrio nĩrehaga ũtheri."
Thaburi 119:130



Mũico



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoru ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

